



CYBERJAYA, 29 Jun – Jabatan Sains Komputer, Fakulti Sains Komputer dan Teknologi Maklumat (FSKTM) Universiti Putra Malaysia (UPM) telah menganjurkan Program Seminar ICT di Sekolah Seri Puteri (SSP) iaitu sekolah kluster UPM (sekolah angkat) untuk meningkatkan kemahiran pelajar dalam bidang teknologi maklumat.

Ketua Jabatan Sains Komputer FSKTM, Dr. Lilly Suriani Affendey berkata usaha itu dapat memberi pendedahan tentang etika dan keselamatan penggunaan media rangkaian sosial.



“SSP dipilih kerana statusnya sebagai Sekolah Kecemerlangan Kluster (SKK) UPM dalam program kesedaran teknologi maklumat selain merapatkan jaringan di antara pihak universiti dan komuniti luar,” katanya.

Aktiviti dalam seminar ICT itu ialah “Etika Penggunaan Internet” oleh Dr. Fatimah Sidi dan “Keselamatan Penggunaan Internet” oleh Dr. Mohd. Taufik Abdullah.

Sementara itu, Penolong Kanan SSP, Umi Nafisah Md Sirat berkata penglibatan universiti menjalinkan hubungan dengan pihak sekolah amat bersesuaian pada masa kini selari dengan objektif SSP iaitu sekolah berprestij tinggi.



"Diharapkan, program ini akan terus dilaksanakan dari masa ke semasa dan bukan sahaja melibatkan FSKTM sahaja tetapi dengan semua fakulti di UPM," katanya.

Seramai 800 peserta yang terdiri daripada pelajar tingkatan 1 hingga 5 dan guru-guru SSP turut menyertai seminar itu.

Berita ini disediakan oleh Pejabat Pemasaran Dan Komunikasi (MarComm) (Syifarida Muhamad Zaki, 03-8946 6184) Foto (Noor Azreen Awang, 03-8946 6188)

Hak Cipta Terpelihara 2007
Universiti Putra Malaysia